

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-1-167-25/19
Banja Luka, 30.06.2021. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet, Brčko distrikt BiH**, na osnovu prijedloga Odjeljenja za obrazovanje Vlade Brčko distrikta BiH, direktor Agencije za razvoj visokog obrazovanja i osiguranje kvaliteta Bosne i Hercegovine donosi

R J E Š E N J E

o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Internacionalni univerzitet, Brčko distrikt BiH

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove **Internacionalni univerzitet, Brčko distrikt BiH** u sljedećem sastavu:
 - 1) Prof.dr Ajla Škrbić, predstavnica akademske zajednice BiH, predsjednica Komisije stručnjaka;
 - 2) Prof.dr Marko Vasiljević, predstavnik akademske zajednice BiH, član Komisije stručnjaka;
 - 3) Duljko Hasić, predstavnik privrede i prakse, član Komisije stručnjaka;
 - 4) Prof.dr Ivan Prskalo, međunarodni stručnjak, član Komisije stručnjaka i
 - 5) Ozren Trišić, student, član Komisije stručnjaka.
2. Komisija stručnjaka iz tačke 1. u postupku akreditacije ustanove postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19) (u daljnjem tekstu: Odluka o normama), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16) (u daljnjem tekstu: Kriteriji za akreditaciju) i drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak akreditacije, kao i propisima Odjeljenja za obrazovanje u Vladi Brčko distrikta BiH, koji su usklađeni sa Okvirnim zakonom i dokumentima Agencije, uključujući i propise o kvantitativno normiranim kriterijima ljudskih i materijalno-tehničkih resursa neophodnih za rad visokoškolskih ustanova u Brčko distriktu BiH.
3. Komisija stručnjaka dužna je u roku od najduže 30 dana od posjete visokoškolskoj ustanovi u njenom sjedištu u Brčko distriktu, sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih

jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, koje upućuje na zavisnost rada Komisije stručnjaka od navedenih i drugih subjekata.

4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji i nadležnoj obrazovnoj vlasti koja je predložila imenovanje Komisije stručnjaka.
5. Za koordinatora u postupku akreditacije visokoškolske ustanove **Internacionalni univerzitet, Brčko distrikt BiH**, imenuje se Aida Savić.
6. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim se preciznije razrađuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne bi trebalo da bude prije izdavanja preporuke o ishodu akreditacije od strane Agencije.
7. Rješenje stupa na snagu danom donošenja.

O b r a z l o ž e n j e

Odjeljenje za obrazovanje Vlade Brčko distrikta BiH dostavilo je dana 08.04.2019. godine Zahtjev za provođenje eksterne evaluacije visokoškolske ustanove **Internacionalni univerzitet, Brčko distrikt BiH**, sa prijedlogom za imenovanje komisije stručnjaka broj: 07-1154SO-003/19 od 03.04.2019. godine u kojem je predloženo da Agencija imenuje Komisiju stručnjaka koja će obaviti posjetu predmetnoj visokoškolskoj ustanovi i, na osnovu utvrđenog stanja, dati preporuku o ishodu akreditacije predmetne visokoškolske ustanove. U prilogu prijedloga dostavljen je Zahtjev za akreditaciju, te dokumentacija u skladu sa članom 14. stav (1) Pravilnika o akreditaciji visokoškolskih ustanova i studijskih programa u Brčko distriktu BiH.

Agencija je utvrdila da dostavljeni Samoevaluacijski izvještaj predmetne ustanove nije izrađen u skladu sa važećom Odlukom o kriterijima za akreditaciju visokoškolskih ustanova u BiH („Službeni glasnik BiH“, broj: 96/16), već je izrađen u skladu sa Odlukom iz 2010. godine, koja je van snage od donošenja Odluke iz 2016.godine. Na zahtjev iz našeg akta broj 05-33-167-2/19, od 07.05.2019.godine Odjeljenje je dostavilo izmjenjeni Samoevaluacijski izvještaj Internacionalnog univerziteta u BD BiH, izrađen u skladu sa važećim kriterijima za akreditaciju visokoškolskih ustanova u BiH, koji je protokolisan u Agenciji BiH pod brojem 05-33-1-167-3/19, dana 24.05.2019.godine.

Na osnovu zahtjeva Agencije za dopunom prijedloga stručnjaka broj 05-33-1-167-5/19 od 03.07.2019.god., 05-33-1-167-8/19 od 24.09.2019.god., 05-33-1-167-9/19, od 16.06.2020.god., 05-33-1-167-12/19 od 13.08.2020.god., te 05-33-1-167-17/19 od 23.10.2020.god., cijeneći sadržaj dostavljenih prijedloga u postupku akreditacije visokoškolske ustanove **Internacionalni univerzitet, Brčko distrikt**, a postupajući u skladu s Instrukcijom o načinu imenovanja komisije stručnjaka za akreditaciju, br: 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet

eksterne evaluacije, utvrđeno je da dovoljan broj predloženih stručnjaka dostavio dokaz o nepostojanju sukoba interesa s visokoškolskom ustanovom koja je predmet eksterne evaluacije, kao i dokaz o dostupnosti u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove **Internacionalni univerzitet, Brčko distrikt BiH** dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojom je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati Kriterije za akreditaciju kojom su utvrđeni kriteriji čiju ispunjenost provjerava Komisija stručnjaka prilikom posjete visokoškolskoj ustanovi u njenom sjedištu u Brčko distriktu, ocjenu usaglađenosti visokoškolske ustanove sa kriterijima Komisija stručnjaka detaljno opisuje u svom Izvještaju, uzimajući u obzir i uticaj postojećih kvantitativno normiranih indikatora ljudskih i materijalno-tehničkih resursa ustanove na ispunjenost kriterija 5. i 6.

Također, Komisija stručnjaka u svom radu primjenjivat će i zakonske i podzakonske akte koji regulišu oblast osiguranja kvaliteta visokoškolskih ustanova na području Brčko distrikta BiH, koji su usklađeni sa Okvirnim zakonom i dokumentima Agencije uključujući i propise o kvantitativno normiranim kriterijima ljudskih i materijalno-tehničkih resursa neophodnim za rad visokoškolskih ustanova u Brčko distriktu BiH.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji i nadležnoj obrazovnoj vlasti koja je predložila imenovanje. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.

Ovo Rješenje se dostavlja imenovanim članovima Komisije stručnjaka, visokoškolskoj ustanovi i nadležnoj obrazovnoj vlasti.

Pravna pouka:



Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
2. Odjeljenju za obrazovanje Vlade BD BiH
3. Visokoškolskoj ustanovi **Internacionalni Univerzitet, Brčko distrikt BiH**
4. Sektoru 05
5. a/a

za DIREKTORA

Prof. dr. Enes Hasić





Agency for Development of Higher Education and Quality Assurance of Bosnia and Herzegovina

Broj: 05-33-1-167-28 /19
Banja Luka, 06.08.2021.godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet, Brčko Distrikt BiH**, na osnovu prijedloga Odjeljenja za obrazovanje Vlade Brčko distrikta BiH, direktor Agencije za razvoj visokog obrazovanja i osiguranje kvaliteta Bosne i Hercegovine donosi

RJEŠENJE O IZMJENI RJEŠENJA

o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove **Internacionalni univerzitet, Brčko Distrikt BiH**

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Internacionalni univerzitet, Brčko Distrikt BiH** broj: 05-33-1-167-25/19 od 30.06.2021. godine, briše se kao član i predsjednica Komisije prof.dr. Ajla Škrbić i za predsjednika Komisije imenuje prof.dr. Marko Vasiljević, a za člana Komisije iz kategorije akademska zajednica BiH imenuje prof. dr Sead Dizdarević.
2. Rješenje stupa na snagu danom donošenja.

O b r a z l o ž e n j e

Rješenjem broj: 05-33-1-167-25/19 od 30.06.2021. godine imenovana je Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Internacionalni univerzitet, Brčko Distrikt BiH** u sastavu:

- 1) Prof.dr Ajla Škrbić, predstavnica akademske zajednice BiH, predsjednica Komisije stručnjaka;
- 2) Prof.dr Marko Vasiljević, predstavnica akademske zajednice BiH, član Komisije stručnjaka;
- 3) Duljko Hasić, predstavnik privrede i prakse, član Komisije stručnjaka;
- 4) Prof.dr Ivan Prskalo, međunarodni stručnjak, član Komisije stručnjaka i
- 5) Ozren Trišić, student, član Komisije stručnjaka.

Tokom aktivnosti u vezi sa pripremom Komisije stručnjaka za posjetu visokoškolskoj ustanovi **Internacionalni univerzitet, Brčko Distrikt BiH** predsjednica Komisije stručnjaka prof. dr. Ajla

Škrbić, predstavnik akademske zajednice BiH, je dana 02.08.2021. godine mailom obavijestila Agenciju, da je preselila u Njemačku i da zbog preuzetih obaveza nije u mogućnosti učestvovati u radu Komisije stručnjaka, te podnijela ostavku na mjesto člana i predsjednice Komisije stručnjaka.

Na osnovu prijedloga eksperata koji daju ocjenu i obavljaju reviziju kvaliteta i daju preporuke za imenovanje Komisije za akreditaciju Internacionalnog univerziteta, Brčko Distrikt BiH, dostavljenog od strane Odjeljenja za obrazovanje Vlade Brčko distrikta dana 19.08.2020.godine, Agencija je izvršila potrebne provjere sukoba interesa i dostupnosti stručnjaka iz kategorije akademsko osoblje BiH, te na temelju toga izabrala prof. dr Seada Dizdarevića za člana Komisije stručnjaka, a prof. dr. Marka Vasiljevića imenovala za predsjednika Komisije stručnjaka.


U preostalom dijelu Rješenje broj 05-33-1-167-25/19 od 30.06.2021.godine ostaje neizmijenjeno.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka,
2. Odjeljenju za obrazovanje Vlade Brčko
distrikta BiH
3. Sektoru 05
4. arhivi





Agency for Development of Higher Education and Quality Assurance of Bosnia and Herzegovina

Broj: 05-33-1-167-35/19
Banja Luka, 18.11.2021.godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet, Brčko Distrikt BiH**, na osnovu prijedloga Odjeljenja za obrazovanje Vlade Brčko distrikta BiH, direktor Agencije za razvoj visokog obrazovanja i osiguranje kvaliteta Bosne i Hercegovine donosi

RJEŠENJE O IZMJENI RJEŠENJA

o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Internacionalni univerzitet, Brčko Distrikt BiH

1. U Rješenju o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Internacionalni univerzitet, Brčko Distrikt BiH** broj: 05-33-1-167-28/19 od 06.08.2021. godine, briše se kao član Komisije **prof. dr. Sead Dizdarević** i za člana Komisije iz kategorije **akademska zajednica BiH** imenuje **prof. dr. Ismet Sejfića**.
2. Rješenje stupa na snagu danom donošenja.

O b r a z l o ž e n j e

Rješenjem broj: 05-33-1-167-28/19 od 06.08.2021. godine imenovana je Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove Internacionalni univerzitet, Brčko Distrikt BiH u sastavu:

- 1) Prof.dr Marko Vasiljević, predstavnik akademske zajednice BiH, predsjednik Komisije stručnjaka;
- 2) Prof. dr. Sead Dizdarević, predstavnik akademske zajednice BiH, član Komisije stručnjaka;
- 3) Duljko Hasić, predstavnik privrede i prakse, član Komisije stručnjaka;
- 4) Prof.dr Ivan Prskalo, međunarodni stručnjak, član Komisije stručnjaka i
- 5) Ozren Trišić, student, član Komisije stručnjaka.

Tokom aktivnosti u vezi sa pripremom Komisije stručnjaka za posjetu visokoškolskoj ustanovi Internacionalni univerzitet, Brčko Distrikt BiH član Komisije stručnjaka prof. dr. Sead Dizdarević, predstavnik akademske zajednice BiH, je dana 24.10.2021.godine mailom

obavijestio Agenciju, da zbog zdravstvenog stanja podnosi ostavku na mjesto člana Komisije stručnjaka.

Agencija je odmah uputila Zahtjev Odjeljenju za obrazovanje u Vladi Brčko distrikta BiH sa molbom za dopunu stručnjaka iz kategorije akademska zajednica u BiH za akreditaciju Internacionalnog univerziteta, Brčko distrikt BiH, broj: 05-33-1-167-31/19 od 25.10.2021.godine.

Na osnovu dostavljenog prijedloga stručnjaka iz reda akademske zajednice u BiH za imenovanje Komisije za akreditaciju Internacionalnog univerziteta, Brčko Distrikt BiH, broj predmeta: UP-I-37-000173/18, broj akta: 08-1246ZB-029/21 od 01.11.2021. godine, dostavljenog od strane Odjeljenja za obrazovanje Vlade Brčko distrikta dana 08.11.2020.godine, Agencija je izvršila potrebne provjere sukoba interesa i dostupnosti stručnjaka iz kategorije akademske osoblje BiH, te na temelju toga izabrala **prof. dr. Ismeta Sejfiću** za člana Komisije stručnjaka.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka
2. Odjeljenju za obrazovanje Vlade Brčko
distrikta BiH
3. Sektoru 05
4. arhivi

